


ASb
approved




Bakame
Yongeye
Guhenda
Ubwenge Nzovu
Aloysie
Uwizeyemariya
Wiehan de Jager


Kinyarwanda




Bakame na Nzovu
bari inshuti
magara.




Baragiraga
amatungo ya bo
ahari ubwatsi
n'amazi.




Bakundaga gukina
umupira
w'amaguru.




Nzovu yatsindaga
ibitego byinshi.
Bakame
ntibimushimise.




Nuko Bakame
abaza Nzovu ati:
"Ese ni iki gituma
uba umukinnyi
w'umuhanga?"
Nzovu arasubiza
ati: "Ni aya maguru
yanjye manini."



Bakame na Nzovu bakinnye umukino wo gusiganwa ku maguru. Bakame ariruka aramusiga.




Nzovu
byaramubabaje.
Nuko abaza
Bakame ati:"Ese ni
iki gituma umenya
kwiruka cyane?"
Bakame
aramusubiza ati:
"Ni aya maguru
yanjye ananutse."




Nzovu yabajije
Bakame ati: "Ni iki
nakora ngo ngire
amaguru
ananutse?"
Bakame
aramusubiza ati:
"Ndakwereka uko
ubigenza."




Bakame
aramubwira ati:
"Hagarara mu
muriro." Nzovu
arataka cyane
agira ati: "Ndimo
gushya weeee!"




Bakame abwira Nzovu ati: "Ubu nibwo buryo bwonyine bwagufasha kugira ngo ugire amaguru ananutse."




Nzovu ava mu
muriro.
Atembagara hasi.



Nzovu yamaze
iminsi myinshi
adashobora
guhagarara.



Nzovu amaze
koroherwa,
yasanze
umuryango we.



Bakame
byamukoze ku
mutima. Nuko
asaba Nzovu
imbabazi.

Bakame Yongeye Guhenda Ubwenge Nzovu

Author - Agnes Gichaba

Translation - Aloysie Uwizeyemariya

Illustration - Wiehan de Jager

Language - Kinyarwanda

Level - First sentences

© African Storybook Initiative 2015

Creative Commons: Attribution 4.0

Source www.africanstorybook.org